

PAS Sabah mahu dua penulis anggotai panel RCI
MalaysiaKini.com
14 Ogos, 2012
Oleh Victor WS Tan

PAS Sabah menggesa kerajaan pusat sebagai memasukkan dua pengarang yang menulis secara meluas mengenai ledakan luar biasa penduduk Sabah dalam panel Suruhanjaya Siasatan Diraja (RCI) mengenai masalah pendatang haram di negeri ini.

Mutalib Muhd Daud dan Chong Eng Leong telah menulis beberapa buah buku mengenai topik tersebut. Mutalib adalah anak kelahiran Kedah yang kini menetap di Sabah, manakala Chong menulis buku ketika dia menjadi pemimpin PBS. Chong kini bersama PKR.

Ketua Publisiti Pemuda PAS Sabah, Mohd Firdaus Mohammad Nor berkata dewan itu tidak gembira dengan barisan anggota RCI kerana ia kekurangan pakar mengenai isu berkenaan

"Mutalib dan Chong telah terlibat dalam menulis pendedahan mengenai isu pendatang haram di Sabah," tegas Mohd Firdaus.

Beliau berkata seorang lagi tokoh pakar yang penting kepada panel tersebut ialah Tan Sri Simon Sipaun, yang telah melakukan penyelidikan terhadap topik tersebut ketika berkhidmat sebagai naib pengerusi Suruhanjaya Hak Asasi Manusia (Suhakam).

"Tidak ada seorang pun yang terbabit dalam siasatan tersebut yang benar-benar boleh mewakili rakyat Sabah," katanya.